

LANKIDETZA HITZARMENA, ENPLEGUA SUSTATZEKO 2022KO TOKIKO EKINTZEN
PROGRAMAREN BARRUAN IRUNGO UDALAK ETA TXINGUDI KO ZERBITZUAK- SERVICIOS DE
TXINGUDI S.A -K ENPLEGUA SUSTATZEKO JARDUERAK EGIN DITZATEN

Irunen, 2022ko abenduaren 2an

Batetik, José Antonio Santano jauna, Irungo Udaleko alkate-lehendakaria den aldetik.

Bestetik, Leire ZUBITUR CANFLANCA and., Txinzer Txingudiko Zerbitzuak SAko kudeatzailea (IFZ: A20214011; helbidea: Olaberria auzoa 18, Irún)

ESKU-HARTZAILEAK

Biek ere beren karguek berezkoak dituzten funtzioak betez eta hitzarmen hau egiteko gaitasun osoa aitortuz elkarri, eta horretarako,

AZALTZEN DUTE:

- Lanbide Euskal Enplegu Zerbitzuko zuzendari nagusiaren 2022ko maiatzaren 13ko ebazpenaren bidez (EHAA, 097 zenbakikoa, 2022ko maiatzaren 20koa), 2022ko ekitaldirako enplegua sustatzeko tokiko ekintzetarako laguntzen deialdia argitaratu zen, zeina Lanbide Euskal Enplegu Zerbitzuko Administrazio Kontseiluak onetsi zuen.

Irungo Udala programa horretara atxiki zen, eta zehaztu zuen zer langile kontratatu behar zituen haren kontura eta bere mendeko entitateen eta bere eragin esparruko entitate sozialen kontura, eta, ildo horretatik, 45 langabe kontratatzeke lan-kostuen zati bat ordaintzeko dirulaguntza eskatu zuen. Kontratazio guztietatik, 3 Txingudiko zerbitzuak-Servicios del Txingudi S.A-k egin behar ditu:

1. Hornidura eta saneamendu sareen kudeaketa: 2 pertsona 6 hilabetez lanaldi osoan.
 2. Tasen informazio sistemak hobetzea: persona 1, 3hilabetez lanaldi osoan.
- 2022ko irailaren 12an, Lanbide Euskal Enplegu Zerbitzuak jakinarazi zuen eskatutako laguntza emango zuela. Besteak beste, iraupen desberdineko lan-kontratuak eginda langabe horiek kontratatzeke dirulaguntza. Zenbateko horretan sartzen zen Txingudiko zerbitzuak-Servicios del Txingudi S.A.k kontratatu beharreko pertsonen kontratazioa.
 - Jasotako dirulaguntza kreditu gehigarri gisa bideratu da Irungo Udalaren aurrekontu orokorraren barruan, eta kontu-sail izendunak sortu dira transferentzia arrunten kapituluan, Txingudiko zerbitzuak-Servicios del Txingudi S.A.k egin beharreko kontratazioei dagokienez.
 - Lanbide Euskal Enplegu Zerbitzuko zuzendari nagusiaren ebazpen horretan xedatutakoaren arabera, enplegua sustatzeko tokiko ekintzetarako laguntzen deialdia argitaratu zen. Zehatzago, haren 2.4.2 artikuluko 2. paragrafoaren arabera, kontratazio horiek tokian-tokian sustatuko dira, eta tokiko erakundeek egingo dituzte zuzenean, edo haien mendeko erakundeek, edo, bestela, zailtasun bereziak dituzten pertsonak gizarteratzen eta laneratzen diharduten irabazi asmorik gabeko erakundeek, betiere Euskadiko hirugarren sektore

sozialeko erakundeen erroldan izena emanda badaude (Euskadiko Hirugarren Sektore Sozialari buruzko maiatzaren 12ko 6/2016 Legean arautua), eta haiekin proiektua gauzatzea hitzartzen bada edo proiektua kontratu bidez haiei esleitzen bazaie.

- Dirulaguntzen azaroaren 17ko 38/2003 Lege Orokorraren 28. artikuluaaren arabera, hitzarmenak izango dira zuzenean ematekoak diren dirulaguntzak bideratzeko tresna arruntak, haiei buruzko araudiak diotenaren kalterik gabe.
- Irungo Udalari diruz laguntzen zaizkion aldi baterako kontratazio horien helburua da gizartetik baztertuta dauden eta Irungo udal-barrutian bizi diren pertsonak gizarteratzea eta lan-munduan sartzea, eta horrek zuzeneko onura dakarkio hiriari.

Horregatik guztiagatik, esku-hartzaileek hitzarmen hau sinatzen dute, eta hona horren hizpaketak:

HIZPAKETAK

LEHENA. HITZARMENAREN XEDEA

Hitzarmen honen xedea da Txingudiko zerbitzuak-Servicios del Txingudi S.Ak 3 pertsona kontratatzea Lanbide Enplegurako Euskal Zerbitzuko zuzendari nagusiak 2022ko maiatzaren 13an emandako ebazpenak araututako enplegua sustatzeko programaren esparruan, zeinaren bidez argitaratzen baita enplegua sustatzeko tokiko ekintzetarako laguntzen deialdia.

Txingudiko zerbitzuak-Servicios del Txingudi S.Ak beharrezkoak diren jarduketak egingo ditu lan-munduan sartzeko zailtasun bereziak dituzten 3 pertsonaren enplegarritasuna handiagotzeko, haien prestakuntza eta/edo gaitasun pertsonalak eta motibazioa areagotuko dituen aldi baterako lan-esperientzia eskainiz.

BIGARRENA. ALDEEN BETEBEHARRAK

Irungo Udalak 32.812,92 euro transferituko dizkio Txingudiko zerbitzuak-Servicios del Txingudi S.Ari, 3 pertsona aldi baterako kontratatzeko, proiektu honetarako:

1. Hornidura eta saneamendu sareen kudeaketa: 25.000 euro
2. Tasen informazio sistemak hobetzea: 7.812,92 euro

Era berean, Txingudiko zerbitzuak-Servicios del Txingudi S.Ak 3 pertsona kontratatzeko konpromisoa hartzen du Lanbide Enplegurako Euskal Zerbitzuko Zuzendari Nagusiak 2022ko maiatzaren 13an emandako ebazpenean enplegua sustatzeko programarako ezarritako esparruan eta baldintzekin, zeinaren bidez argitaratzen baita enplegua sustatzeko tokiko ekintzetarako 2022ko ekitaldirako laguntzen deialdia, eta betiere ebazpen horretan ezarritako betekizunak betetzen badituzte.

Horretarako, Txingudiko zerbitzuak-Servicios del Txingudi S.Ak kontratazio horiei buruzko informazio osoa emango dio Irungo Udalari, eta haiekin lotutako jarduerak Lanbide Euskal Enplegu Zerbitzuaren aurrean justifikatzen lagunduko dio. Ildo horretatik, eskatzen dion dokumentazio guztia emango dio Irungo Udalari, eta aipatutako langileen kontratazioari eta jardunari dagokionez ematen dizkion jarraibideak beteko ditu.

Irungo Udalak ez ditu hartuko bere gain kontratazio horiek Txingudiko zerbitzuak-Servicios del Txingudi S.Ari sor liezazkiokeen lan-kostu gehigarriak, inolaz ere, eta inolako lan harremanik ere ez du izango kontratatzen diren pertsonekin.

HIRUGARRENA- ORDAINTZEKO MODUA

Irungo Udalak bi alditan ordainduko dio Txingudiko zerbitzuak-Servicios del Txingudi S.Ari beronek egiten dituen kontratuengatik kobratzen duen dirulaguntzaren zati proportzionala:

- Lehenengoa, zenbatekoaren % 53, 2022ko bigarren sei hilekoan, Lanbidek ordainketa egindakoa.
- Bigarrena, gainerako % 47a, langileen kontratuak amaitu, sortutako gastuak Irungo Udalari justifikatu eta Lanbidek aldeko ebazpena eman eta ordainketa egindakoa.

LAUGARRENA- INTERPRETAZIOA ETA APLIKATU BEHARREKO ARAUDIA

Hitzarmen honen klausuletan aurreikusi ez den guztirako, aldeek Lanbide Euskal Enplegu Zerbitzuko zuzendari nagusiaren 2022ko maiatzaren 13ko Ebazpenean xedatutakoari jarraitu beharko diote, haren bidez argitaratzen baita enplegua sustatzeko tokiko ekintzetarako 2022. ekitaldirako laguntzen deialdia. Horrez gainera, honako hauek ere bete beharko dituzte: Dirulaguntzei buruzko azaroaren 17ko 38/2003 Lege Orokorrean xedatzen dena (2003/11/18ko BOE) eta ekainaren 21eko 887/2006 Errege Dekretuan xedatzen dena, zeinaren bidez onesten baita Dirulaguntzei buruzko Lege Orokorrearen Erregelamendua (2003/07/25eko BOE).

Eta horrela jaso da dadin, alderdiek adierazitakoa onartzen eta berresten dute, dokumentu hau elektronikoki sinatuz, behin behineko Idazkaria naizenez sinaduraren prozeduraren oniritziarekin, horren fedea ematen dut.

ALKATEA

TXINGUDIKO ZERBITZUAK- SERVICIOS DE
TXINGUDI S.A-KO GERENTEA

Stua.: José Antonio SANTANO jn.

Stua.: Leire ZUBITUR and..

BEHIN BEHINEKO IDAZKARIA

Stua.: Ana Belen Aristizabal Leceta and.